

OKÉ TAKE AWAY

**NOS SPECIAL
CUMINDA
CRIOYO**

746-3571

S **Prijs**
1.25 **LO**
Di Pueblo
BRIYANDÓ FUERTE • TRECIENDO CLARIDAD
DIAMARS 14 NOVEMBER 2023

**ARUBA TIN E
COMPROMISO
DI STICHTING
JANTJE BETON PA
2 A 3 SPEELTUIN
NOBO PA NOS
MUCHANAN**



WWW.SOLODIPUEBLO.COM



SOLODIPUEBLO@GMAIL.COM

**ALBERTICO
TA E FELIZ
GANADOR DI
1.9 MIYON
FLORIN CU
LOTTO 5**



**ABOGADO DAVID KOCK Y DUCAPRO A
MANDA CARTA PA COBRA RADIO EMISORA
'ROYALTIES' PA CADA CANCION CU NAN TOCA**



**ARUBA A RETIRA FOR DI
TUR AGENDA HULANDES
PA CONMEMORA
ABOLISION DI
ESCLAVITUD Y LO SIGUI
SU PROPIO RUTA**



**TX419 ATROBE DEN NOTICIA, E BIAHA AKI
E CHAUFFEUR Y PASAHERA DETENI PA
INTENTO DI LADRONICIA FOR DI AUTO**



Diadomingo mainta a drenta informe di cu tin un persona tras di un taxi den

cual tin un sospechoso femenino cu lo a of purba di habri un auto pa horta na Botica Central na Santa Cruz riba e caminda di Paradera pa Tanki Leendert, mesora a dirigi patruyanan na e sitio. Patruyanan a logra para e auto na altura di Los Cafeteros na Tanki Leendert. A bin resulta TX 419 cual tin multiple di travesuranan cometi pero ta ainda ta sigi haci su cosnan contra ley. Polis a para y detene tanto e chauffeur como e pasahero femenino kende a bin resulta di ta tambe un conocido di polis y a bay warda di Shaba cu ambos.

11 NOV 19:33 ACCIDENTE CU HENDE HERIDA DILANTI CAYENA MALL



Diasabra anochi a drenta informe di un accidente cu hende herida dilanti Cayena Mall. Mesora a dirigi tanto polis como ambulans na e sitio. Na yegada di e patruxa a bin

compronde cu un Nissan March lo slip riba caminda muha y cu tera y lo a dal den un Hyundai Van blanco. Door di e impacto e chauffeur di e Nissan March a resulta levemente



herida. Na yegada di e ambulans nan a atende cu e victima y a transporte pa hospital. Polis a tuma datos di e accidente aki.

CU EXITO RUMBO PA HULANDA

Cu Exitu rumbo pa HULANDA
GRATIS PA MAYOR Y STUDIANTE

REGISTRA AWO!
CUPO TA LIMITA!

16 DI NOVEMBER 2023
JFK EDUCATION CENTER
7-8 PM

INFORMACION VALIOSO PA MAYOR Y STUDIANTE

- CON PA SCOGE OPLEIDING, SCOL Y STUDIESTAD
- CON PA APLICA Y NA UNDA?
- TIPS & TRICKS

TRAHA INTERACTIVO RIBA BO PLAN

TRECE BO SMARTPHONE FUL CARGA

BO OPORTUNIDAD PA EXITO!

realign
COACHING & CONSULTANCY

Ministerio di Enseñansa y Deporte

Ministerio di Enseñansa hunto cu Realign Coaching Consultancy and Services ta invita tur estudiante di voorexamen y examenjaar hunto cu nan mayornan pa e oportunidad unico pa participa na e tayer “Cu exito rumbo pa Hulanda” cu lo tuma lugha diahuebs dia 16 di november proximo na JFK Education Center di 7 pm pa 8 pm. Participacion ta GRATIS, pero mester registra via e QR code of link, pasobra e localidad por carga un cantidad limita di participante.

E tayer aki lo ta uno interactivo caminda lo duna hopi informacion valioso manera con pa scoge scol, estudio y ciudad di estudio. Tambe, unda mester aplica, con ta haci esaki y dimes “tips & tricks”.

Tur esaki bou di guia di expertonan di Realign. Percura pa bo no perde BO oportunidad pa EXITO! Registra awe mes y ricibi bo number di confirmacion pa segura bo entrada.

Keda pendiente di bo email y trece bo smartphone ful carga! Sigui nos via Facebook y Instagram: “Realign with Lisanne”. Durante e anochi energetico aki lo tin e oportunidad bou di esnan presente na JFK pa gana serviccionan di Realign.

Registra awe mes via e QR code of link: <https://www.eventbrite.com/e/tickets-cu-exito-rumbo-pa-hulanda-754860276407?aff=oddtcreator>

SOL Di Pueblo

BRIYANDO FUERTE • TRECIENDO CLARIDAD

E FELIZ GANADO DI 1 MIYON 900 MIL FLORIN CU LOTTO 5 A COBRA SU PREMIO!

13 di november, 2023:
Diasabra anochi 11 di november tabata tin e sorteo miyonario di Lotto 5. E numbertan ganado tabata: 01-22-24-30-34 y 1 ticket ganado a wordo bendi na Suemar Lottery II.

Awe dialuna, Aruba ta sera conoci cu e di tercer feliz miyonario di Aruba cu Lotto, e loteria di Aruba pa aña 2023. E feliz ganado a presenta na oficina di Lotto na Paardenbaaistraat 10 pa cobra e premio grandi aki cu un set di numbertan loco.

Albertico a conta cu awe el a bay controla su ticket y a wordo informa cu su ticket ta uno ganado y no tabata sigur si su persona a gana e jackpot miyonario di Lotto 5. El a keda emociona ora cu a inform'e cu e ta e feliz ganado di 1 miyon 900 mil florin.

Lotto, E Loteria di Aruba tin diferente wega, Catochi, Big 4, 1-OFF, Zodiac, Wega di Number di Korsou di Lotto, Lucky 3, Multi-X, Lotto di Dia, Lotto 5, Mini Mega y cu su Mega Plus y e diferente weganan di



Raspa y Gana y Instacash. Cumprando Lotto bo ta contribui na deporte riba nos isla. E meta ta pa

organisa loteria, cambia bida di su hungadonan y na mes momento inverti den deporte local pa

medio di donacionnan na e comision di subsidio.

POLIS A BAY NA TIA ROSA NA POS CHIKITO PA UN BRINGAMENTO



Diabierna anochi a drenta informe di un bringamento na Tia Rosa na Pos Chikito, mesora a dirigi un patruya na e sitio.

Na yegada di e patruya ya e pelea lo a caba y polis a haya un di e partidonan so y polis a avis'e e camindanan pa cana y si e ta desea e lo por pasa den dia entrega keho na recherche.

BABY DI 2 AÑA NO TABATA REACCIONA, POLIS Y AMBULANS A BAY CU MAXIMO URGENCIA NA NOORD

Dialuna mainta a drenta informe di cu tin un baby di 2 aña cu no ta reacciona na un cas na Noord, mesora a dirigi polis y ambulans cu maximo urgencia na e sitio. Na yegada di e patruya na e sitio a nota e situacion y a solicita pa ambulans cu sumo urgencia. Como cu e unico ambulans disponibel na e momentonan ey ta bahando for di Sanicolas a opta pa hib'e den auto di famia. A pidi pa cancela e ambulans pero polis no a autorisa esey ya cu a logra haya un ambulans cu a keda cla na hospital y ta na caminda pa eynan caba. Na yegada di e ambulans nan a tuma e baby over y a atende y bay



rumbo hospital. PRONTO RECUPERACION!

MINISTER ENDY CROES A PRESENCIA LANSAMIENTO OFICIAL DI E PROME PROYECTO DI SISTEMA AUDITIVO “LIGHTSPEED” NA SCOL

Diabierna ultimo, riba invitacion di Quota International Aruba Minister Endy Croes a bishita St. Paulus School na San Nicolas en conexion cu lansamento oficial di e prome proyecto di sistema auditivo “Lightspeed” na scol. Quota International Aruba a haci donacion di e sistema auditivo di Lightspeed pa uzo den klas na scol. E sistema aki ta yuda y facilita e comunicacion verbal entre maestro y alumno, pa e comunicacion ta di mes

un calidad pa tur alumno presente den klas.

E alumnonan sinta mas patras den klas lo scucha mes un bon cu esnan sinta den e prome fila, sin cu e maestro mester forsa su stem innecesariamente. Tin 2 klas piloto, esta klas 1 y klas 6 y a nota cu e proyecto ta dunando excelente resultado.

E alumnonan ta compronde miho y ta lesa miho. Minister Endy Croes a agrega cu hunto cu



Quota International Aruba lo sondea e posibilidad den cua klas por duna un aporte. Ta prueba cu e proyecto ta duna contenido

positivo pa e desaroyo di e alumno den nan lesamento y ta proteha e stemband di e maestronan. Pa conclui, Minister Endy Croes ta

gradici y felicita Quota International of Aruba cu e bunita iniciativa aki.

DAMA CHAUFFEUR A BAY HACI UN U-TURN SIN A DUNA PREFERENCIA NA UN AUTO CONTRARIO



Diasabra merdia a drenta informe di un accidente cu hende herida dilanti Quality Apartments na Schotlandstraat, mesora a dirigi tanto polis como ambulans na e sitio. Na yegada di e patrulla a bin compronde cu e dama chauffeur di Honda CRV a

bay haci un U-Turn pero no a mira e Hyundai Accent di direccion contrario y a dal riba dje den banda di e chauffeur. Door di e inpacto e dama chauffeur di e Accent a resulta herida. Na yegada di e ambulans nan a atende e victima na e sitio mes.



Ministro encarga cu Turismo y Salubridad ta anuncia cu entrante **15 november 2023** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un **slijtvergunning** pa e parcela na **Tanki Leendert 87-A**. E permiso aki ta concerni e.o. benta di bebida sterki y zwak por detal y pa consumi unicamente otro caminda cu den e percela. Den e periodo aki tur hende por expresa por escrito nan desacuerdo contra dunamento di e permiso menciona, dirigi na e Ministro encarga cu Turismo y Salubridad via intermediacion di Director di Departamento di Legislacion y Asunto Huridico, Schotlandstraat 53.

ARUBA A RETIRA FOR DI TUR AGENDA HULANDES PA CONMEMORA ABOLISION DI ESCLAVITUD Y LO SIGUI SU PROPIO RUTA

Minister Maduro di finanzas a anuncia na Hulanda, cu Aruba lo retira di tur agenda Hulandes relaciona cu conmemoracion di abolision di esclavitud. Motibo di esaki ta e maltrato cu BZK, un departamento di Hulanda ta dunando Aruba. Esaki principalmente pa a duna Aruba un intrest halto di 6.9%, cual ta un boet rente.

Esaki ta un negoshi grandi pa Hulanda pa traha 300 miyon florin riba lomba di pueblo di Aruba.

E anuncio aki a keda haci den weekend den un sala na Den Haag. Esaki sigur a trece su conmocion y tabata un shock pa BZK cu tambe tabata sinta den e evento.

Dje forma aki Minister

Maduro a haci yamada na conciencia di Hulanda pa nan reflecciona. Nan no por conmemora terminacion di esclavitud, pero ta bira haci mescos.

E hecho aki a haya basta atencion na Hulanda y hopi a muestra simpatia pa cu e posicion di Aruba y a cuminsa cuestiona e decisionnan di Gobierno Hulandes riba Aruba.




MINISTER ENDY CROES A SALI PA UN BIAHE DI TRABOU NA MERCA, UNDA CU TA BAY NEGOSHA MOU CU ALGUN COLLEGE Y UNIVERSIDAD

Dialuna atardi, Minister di Enseñansa y Deporte Endy Croes a sali di biahe pa Merca, unda ta bay negosha MoU cu algun college y universidad. Primeramente, Minister Endy Croes lo acudi na Howard University na Washington DC y mesun dia parti merdia lo tin un reunion basta extenso cu Montgomery College. Den pasado, Aruba tabatin un MoU caba cu Montgomery College, den cual a caduca. Actualmente, Minister

Endy Croes ta bay negosha un acuerdo mas amplio. Montgomery College tin un programa cu por yuda traha den e parti di innovacion y ICT hopi di cerca cu Colegio EPI. Siguientemente, parti di atardi e mandatario di Enseñansa lo tin un otro reunion cu secretaria di estado di Maryland, Sra. Suzanne Lee. E dia siguiente, Minister Endy Croes lo reuni cu Embahada Hulandes Sr. Renske Heemskerk.

Despues di esaki, Minister Endy Croes lo sigui pa un reunion hopi interesante na Baltimore y lo termina na University of South Carolina, caminda tin intencion grandi pa amplia un contrato existente. Primordialmente, pa trece dilanti e vision cu tin pa “sport tourism”. Minister Endy Croes a indica cu a pidi un paquete special pa “master level” den sport management, asina por aloca 8 of 10 estudiante



cu kier pa yega e nivel aki y den futuro por yuda desaroya e parti di “sport tourism” na Aruba. Pues, un biahe cu un skema di reunion basta extenso

cu diferente college y universidad di Merca. Di regreso na Aruba, Minister Endy Croes lo amplia riba e resultado di e biahe di trabou aki.

HOBEN CHAUFFEUR A PERDE CONTROL BAY DAL RIBA TRONCON DI MATA DEN SERO PATRISHI

Diasabra merdia a drenta informe di un otro accidente cu hende herida na Sero Patrishi, mesora a dirigi tanto polis como ambulans na e sitio. Na yegada di e patrulla a bin compronde cu e hoben chauffeur a slip riba e caminda muha y a baha caminda dal riba un troncon. Debi na e fuerte inpacto e chauffeur a resulta herida. Na yegada di e ambulans nan a atende e victima herida.



AHATA: HOTEL TA SIGUI ENFOCA RIBA CALIDAD EN BES DI CANTIDAD DI HUESPED

13 November: Aruba Hotel & Tourism Association (AHATA) ta acumula e cifranan di ocupacion y prijs di hotelnan tur luna y CEO di AHATA, Tisa LaSorte, ta anuncia cu na October atrobe e RevPAR a crece pa motibo cu huesped ta pagando prijs mas halto, pero tin menos ocupacion compara cu experiencia historico.

OCTOBER 2023:

- Ocupacion: E grado di ocupacion tabata 74%; cual ta mescos cu grado di ocupacion na October 2022 y 5% menos cu na 2019.
- ADR: E balor averahe di cada camber bendi tabata \$285.19; un aumento di 6% compara cu October 2022.
- RevPAR: E entrada averahe pa tur camber disponibel tabata \$210.60 cual ta 6% mas cu na 2022 y 22% mas cu na 2019. RevPAR ta e indicador di e resultado financiero prome cu desconta gastonan operacional y impuesto.

JANUARI – OCTOBER 2023:

- Ocupacion: E ocupacion averahe di prome 10 luna di aña tabata 77%; un aumento di 5% compara cu e mesun temporada na 2022. (Nota: Den prome kwartaal di 2022 Aruba su turismo tabatin efecto di COVID). Ocupacion averaha di prome 10 luna di 2023 ta 9% menos cu e mesun temporada na 2019.
- ADR: E balor averahe di cada camber bendi tabata \$337.64; cual ta 12% mas cu mesun temporada na 2022.
- RevPAR: E averahe di prome 10 luna tabata \$261.34; 18% mas compara cu e mesun temporada na 2022 y 13% mas cu na 2019.

PROYECCION:

Proyeccion actual pa ocupacion averahe di hotel pa November ta 78%, December ta 79%, y pa Januari ta 78%. E expectativa pa aña 2024 su ocupacion averahe ta 73%, cual ta representa un reduccion di 13% compara cu e averahe di aña 2019.



TIMESHARE:

Ocupacion na propiedadnan Timeshare tabata 85% na October 2023.

Hotel miembro di AHATA: Amsterdam Manor Beach Resort, Barceló Aruba, Boardwalk Boutique Hotel, Brickell Bay Beach Club, Bucuti & Tara Beach Resort, Courtyard by Marriott, Divi & Tamarijn All-Inclusive, Eagle Aruba Resort, Embassy Suites by Hilton Aruba, Holiday Inn Resort Aruba, Hyatt Regency Aruba, Hyatt Place Aruba Airport, Manchebo Beach Resort, Marriott Aruba & Stellaris Casino, Ocean Z Hotel, Paradera Park, Radisson Blu Aruba, Rehoboth Peaceland Boutique Hotel, Renaissance Wind Creek Aruba Resort, The Ritz-Carlton Aruba, RIU Palace Aruba, RIU Palace Antillas y Talk of the Town Hotel.

Timeshare miembro di AHATA: Divi Aruba Phoenix, Divi Dutch Village, Divi Village Golf, La Cabana, Marriott Ocean Club, Marriott Surf Club, The Mill Resort.

Vacation rental miembro di AHATA: Aramis Real Estate, Aruba's Life Vacation Residences, Casiola Aruba, Cobalt Blue Residences, Ford Property Management, Turibana Plaza, Santa Lucia Landhuis, Russo Real Estate.



POLIS A BAY BANDA DI EX-EDIFICIO DI D.T.I. PA UN OTRO PELEA



Diabierna anochi a drenta informe di un otro pelea na un restaurant banda di e ex-edificio di D.T.I. na Pos Chikito.

Na yegada di e patruya a papia cu e doño di e restaurant esaki a bisa di no sa di ningun pelea na su lugar ni dilanti su lugar.

GERENCIA WEB NV TA DISTANCIA DI PUBLICACION DI VWI

BALASHI: Gerencia di Water- en Energiebedrijf Aruba (W.E.B.) ta distancia di cierto expresionnan haci den e comunicado di prensa di e directiva di VWI cu fecha 02 november 2023. A pesar cu nos ta respeta e derechonan di VWI pa expresa nan mes, motibo pa kico nos ta distancia ta cu e expresionnan aki ta den incumplimiento cu W.E.B. Aruba N.V. su codigo di conducta y esey ta inaceptabel.

Nos codigo di conducta ta prescribi entre otro: Respet pa otronan; Comportacion na un manera profesional; Pa no pinta negativo tercer partidonan y clientenan di W.E.B. Aruba N.V.; Pa no transmiti mensahenan di intimidacion; Un responsabilidad serio pa un bon relacion publico di WEB;

Ora empleadonan di WEB ta atende

cu un persona pafor di WEB, incluso dignatarionan, mester percura cu no ta compromete e integridad of mancha e reputacion di sea WEB, of cualkier individuo externo, negoshi of gobierno.

Gerencia ta para pa un W.E.B. Aruba NV., un compania estatal, cu ta sirbi e comunidad di Aruba na un manera constructivo, cooperativo y semper profesional y den union.

Semper por tin diferencia di opinionnan, Gerencia ta para pa semper W.E.B. Aruba N.V. busca e dialogo y solucionnan semper na mesa pa sirbi como un bon ehempel pa nos pais Aruba.

Expresionnan comprometedor riba institutonnan, personanan, companianan y nos accionista/ Gobierno no tin lugar den e



normanan y balornan, codigo di conducta y liderazgo desea di W.E.B. Aruba N.V.

Cada empleado di W.E.B. Aruba N.V. ta responsabel pa traha na un W.E.B. Aruba N.V. den union y harmonia unda e ta sinti su mes

sigur, respeta, motiva, bon atendi y percura pa su coleganan tambe ta sinti mes cos.

10 november 2023 **WATER- EN ENERGIEBEDRIJF (W.E.B.) ARUBA N.V.**

ABOGADO DAVID KOCK Y DUCAPRO A MANDA CARTA PA COBRA RADIO EMISORA 'ROYALTIES' PA CADA CANCION CU NAN TOCA

Dialuna mainta por a tuma nota di kehonan treci dilanti pa algun doño di radio emisora. Nan tabata lansa critica riba e carta cu radionan a ricibi for di abogado David Kock di DUCAPRO.

DUCAPRO ta un fundacion na Aruba cu kier cobra radio emisora derecho di autor, di tur e cancionnan cu nan toca. Algun aña pasa kier a cobra cada radio e suma di Afl. 3000.00. Tin mas o menos 20 radio na Aruba, pues kier a saca Afl. 60 mil pa luna di radio emisora.

Dado momento e calentura

a baha y no a tende nada mas. Pero awor atrobe parce cu radionan a haya carta cu dia 1 januari 2024 nan mester cuminza paga, sino lo tuma medida legal contra tur radio.

Realmente ta un situacion penoso, pasobra radio emisora na Aruba no ta gana placa. El'a bira un hobby y pasion. Di unda ta bay saca 3 mil florin? Esey lo hiba varios radio na quiebro.

Ta di lamenta cu organizacionnan international kier chika un isla chikito cu medidanan asina drastico pa asina



cobra pe artista y ken sa si e artista lo haya e placa of e lo keda den scochi di e administrador cu lo cobra su salario y saca probecho.

Sieplanaki baydor, Aruba lo bay conoce un cambio radical den radio emisora unda varios lo mester stop di toca cancion y bay over

na otro formato pa por keda existi. Finalmente Ducapro lo no bay logra haya e placa cu e ta desea.

Prome Minister Evelyn Wever-Croes:

Prome Minister hunto cu Minister Endy Croes a reuni cu Stichting Jantje Beton

ARUBA TIN E COMPROMISO DI STICHTING JANTJE BETON PA 2 A 3 SPEELTUIN NOBO PA NOS MUCHANAN

Prome Minister Evelyn Wever-Croes y Minister Endy Croes a reuni cu Stichting Jantje Beton hunto cu CEDE Aruba. Stichting Jantje Beton, ta un fundacion di Hulanda cu ta traha riba e maneho di e importancia pa e muchanan hunga, pa nan desaroyo social, fisico y mental. Pa yega na e meta aki, Stichting Jantje Beton ta encarga pa segura cu tin lugarnan accesibel y den bo estado pa e muchanan por hunga.

Prome Minister a indica, cu na aña 2022, el a aserca Stichting Jantje Beton, pa pidi nan yudansa cu e speeltuinnan aki na Aruba. Nan a haci un

estudio riba e situacion actual, di e facilidadnan pa muchanan na Aruba por hunga pafo. E resultado di e estudio a wordo presenta na Minister di Asuntonan Social sr Rocco Tjon. A base di e estudio haci, Stichting Jantje Beton, a yega na e punto cu nan lo desea di yuda pais Aruba, trahando dos speeltuin completamente nobo, of drecha uno existente, cu materialnan moderno y mas sigur pa e muchanan. Unabes nan finalisa e estudionan, nan lo informa Gobierno di Aruba, na unda e speeltuinnan aki lo ta situa.

Durante e reunion a bin dilanti tambe, un posibel

di tres speeltuin cu nan ta dispuesto pa traha of renoba. Tambe Minister Endy Croes a probecha di menciona e deseo di haya algun veld mas manera esun existente di Johan Kruif. Prome Minister a expresa di ta sumamente orguyoso di e trabou cu Minister di Deporte Endy Croes y Minister di Asuntonan Social Rocco Tjon a bin ta haciendo. Danki na nan esfuerso y dedicacion, awe Aruba tin e compromiso di Stichting Jantje Beton pa traha y/of renoba 3 speeltuin, dunando oportunidad pa nos muchanan por hunga y goza di facilidad nan grandi y moderno.



Gobierno a cuminsa cu e proyecto di Veilige Barrios y esaki ta un siguimento pa mehora e calidad di bida di nos barionan na Aruba y nos muchanan. Tambe Stichting Jantje Beton a informa Gobierno di Aruba, cu Postcodelotterij di Hulanda ta duna 1.5 miyon euro pa e 6 speeltuinnan riba e diferente islanan, di cual

Aruba ta haya 2 a 3 di nan. Prome Minister a indica cu el a palabra cu di parti di su ministerio, nan lo traha riba un maneho y acuerdo pa por sigui den futuro, haci uzo di nan experticio, pa keda mehora tur e facilidadnan na Aruba, na unda e muchanan ta hunga pafo.

Minister Xiomara a bisa e Hulandesnan den nan cara:

"STOP DI PIDI DESPENSA PA ESCALIVTUD Y BIRA HACI MESCOS"

Den weekend Minister Maduro tabata den Den Haag den un encuentro cu Arubianonan y Hulandesnan. Tabatin hopi invitado di Aruba y tambe di Curacao pero tambe di Hulanda.

Minister Maduro a probecha e momentum, den nan cas, na Den

Haag pa lansa un bom. A cuminsa pa splicanan masha lief mes, riba tur e trabaonan cu Aruba a bin ta hasiendo pa drecha finanzas publico. Pero mas den final e minister a anuncia cu Aruba lo retira for di e agenda Hulandes riba asunto di esclavitud. Aruba lo sigui su propio caminda, pasobra

loke a bin ta sosode, ta inacceptabel. No por ta asina cu ta recorda abolision di esclavitud y ta pidi despensa, pero ta bira haci mescos, unda ta duna Aruba 'boet rente' di 300 miyon florin.

E ta mes un cos: Chica for di Arubiano, 300 miyon florin di ganashi.

E anuncio aki a cay manera un bom. E minister a pidi pa laga esaki bay pa reflexion, unda mester un reflexion profundo entre Hulanda y Aruba pa yega na acuerdo pa e prestamo di pandemia. No por ta asina cu Hulanda kier suta Aruba cu 6.9% di intrest.



Minister Endy Croes:

GOBIERNO DI ARUBA TA ENTREGA UN RECONOCIMIENTO NA FRANCISCO “TICO” KOCK PA SU GRAN LABOR DEDICANDO MAS DI 45 AÑA DEN MUSICA

Tico tin un amor grandi pa steelpan y ta presenta esaki cu hopi pasion y sentimento pa nos local- y turistanan



: Diadomingo mainta, famia y amigonan a bini hunto y a organisa un bunita evento pa reconoce y gradici Francisco “Tico” Kock pa su gran labor dedicando mas di 45 aña den musica. Un mainta ameno, unda cu famia y musiconan presente a subi stage y canta of toca un piesa dedica na Tico. Tico tabata pasiona pa musica desde cu e ta mucha. Casi tur atardi e tabata bay wak un steel band cerca di su cas hunto cu amigonan y di eynan el a descubri su amor pa steelpan. Casi tur atardi, Tico tabata bay despues di scol pa practica toca steelpan.

E tabata haci esaki scondi sin e doñonan di steelpan sa. Despues di un tempo, Tico y amigonan a haya e steelpannan aki regalo ora

cu e doñonan a cumpra steelpan nobo y asina Tico hunto cu algun amigo a cuminsa toca tur atardi despues di scol y asina mas y mas e amor pa musica di steelpan a sigui crece. Rond aña 1970 Tico y amigonan a cuminsa cu nan propio steelband Jump and Smile y despues di algun tempo nan a toca nan prome evento na hotel. Rond aña 1975 a lanta Sunny Island y na aña 1985 A Touch of Steel cu te dia di awe ta activo.

Tico a toca pa hopi aña durante diferente evento, tanto riba dianan nacional como tambe na hotelnan. Tico tin un amor grandi pa e musica di steelpan y ta presenta esaki cu hopi pasion y sentimento pa nos local- y turistanan. Tico semper t’ey presente pa

cualquier evento pa presenta su musica di steelpan.

Den number di Minister di Cultura y Gabinete Wever Croes II, Minister Endy Croes a haci entrega di un plakkaat como gradicemento pa deleita Pueblo di Aruba y nos turistanan cu e musica di steelpan pa mas di 45 aña. Alabes, Minister Endy Croes a entrega un reconomiento den number di e amigonan di steel band. Actualmente, Tico ta sufriendo un kebrante di salud. Minister Endy Croes ta desea Tico pronto recuperacion y cu Dios bendicion’e ricamente. Masha danki Tico pa deleita nos cu bo musica di steelpan durante 45 aña y haci hopi curason contento.

Problema di pareha den auto na Papilon



Diasabra merdia a drenta informe di cu lo tin un bringamento den auto cu lo ta escalando entre un pareha na Papilon. Mesora a dirigi un patruya na e sitio. Na yegada di e patruya a bin compronde

cu ya e homber lo a bandona e sitio.

E dama no kier a duna ningun informacion. Ya cu e dama no kier a coopera, e polis a bandona e sitio.

Clasificados

SOLODIPUEBLO@GMAIL.COM
CEL. 585 9500

ORACION DI DIA



Un feliz dia bendiciona colma cu hopi amor, fe y speransa den nos Bon Dios

Despues di un rato e cria a bisa su shon: 'Señor a cumpli cu bo ordo, ma toch a sobra luga!' (Lucas 14: 22)

Nos ta forma un solo curpa pa medio di nos union cu Cristo y nos ta uni mescos cu partinan di un solo curpa (Rom. 12: 5). E cria lo a haya duele ora prome invitadonan a nenga. Asina mes el a sigui cumpli cu ordo di su shon y aunke el a cumpli toch a sobra luga. Esaki ta muestra cu e ta persevera y cumpli cu zelo cu su shon y ta na paz. Nos tin cu traha pa, y sirbi Señor cu zelo (Rom. 12: 11). Pero, Señor tin mas luga, pues e capacidad pa invita-donan pa e reino di Dios ta surpasa e expectativa di cada un di nos. Hesus ta siña nos pa cumpli cu ordo di Tata. Aunke nos por pasa den tribulacion y perseverancia, oracion constantemente ta yuda paso e speransa cu nos tin lo haci nos contento (Rom.12: 12). Paso cerca Señor nos ta na paz manera un yiu cerca su mama (Salmo 131).

Oracion: Señor regala nos gracia pa nos comparti donnan conforme Bo boluntad y biba den harmonia cu otro.
Amen.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

PREMIO EXCELENCIA DEN DEPORTE A RECONOCE SR. ALFRED LEONG COMO BALUARTE DEPORTIVO 2022



ORANJESTAD: Durante e ceremonia di Premio Excelencia den Deporte 2022 a rindi homenahe na dies (10) baluarte deportivo cu a dedica gran parti di nan vida na desaroyo di deporte di Aruba. Un di e baluartenan cu a haya reconocimiento e anochi special aki ta Sr. Alfred Leong.

Un poco di e trayecto di Sr. Alfred Leong: Sr. Alfred Leong a cuminsa hunga ping pong / tennis di mesa cu edad di 12 aña na Club Don Bosco bou liderazgo di Frere Tarcisius. Sr. Leong a gana su prome tor-

neo y trofeo cu e edad di 14 aña unda el a titula campeón di schoolsport na aña 1969 di Aruba y campeón di Interscolaire, Grupo B na Curaçao.

Na aña 1970 Sr. Leong a sali sub campeón di e torneo Interscolaire. Mes un aña Sr. Alfred Leong a titula campeón di YMCA TT Tournament. Na 1971 Sr. Leong a sali campeón di grupo C di e torneo Interscolaire. Na 1973 a sali sub campeón di Aruba schoolsport den grupo D y na 1974 a konkista e titulo maximo di campeón di Intersco-

laire Schoolsport Grupo G na Curaçao. Sigur un aña historico ta 1973 unda cu e edad di 18 aña Sr. Leong a participa na e torneo Asian-African-Latin American Table Tennis Friendship Invitational Tournament na Peking, China.

Despues di 1975 Sr. Leong a hunga den team di Sint Jans Knapen, Club Don Bosco y Kong Ming Stars. Tambe, Sr. Leong a hunga den categoria A klas, unda cu hopi biaha el a logra e titulo di campeón den categoria: A klas y doubles na Aruba y Antillas. Sr. Alfred Leong a participa varios bes den Copa Antillano, torneo Amstel na Curaçao, Copa MCB na Boneiro y Dutch Caribbean na Surinam. Adicionalmente, Sr. Leong a participa den varios campeonato di Caribe na Jamaica, Barbados, Trinidad and Tobago y Puerto Rico y Ibero Americano na Santo Domingo y Venezuela. Un otro aña memora-

bel ta na 1982 unda cu Sr. Leong a konkista e titulo di campeón di Antillas hungando den Sporthal Betico Croes y 2015 unda a gana e torneo Dutch Caribbean titulando campeón den categoria Masters.

Despues cu Sr. Leong tabata inactivo pa 7 aña, na 1990 el a cuminsa hunga ping pong bek cu Kong Ming Stars unda a gana varios aña sigui e campeonato di A klas. Sr. Leong a participa den ASU Olympiada y ASU week. Sr. Leong ainda ta activo y ta participando den diferente torneo, entre otro, Copa Betico, Copa Himno y Bandera, Copa Aña di la Reina cu a bira Copa Aña di Rey, Copa Aruba y Torneo Dutch Caribbean. E ultimo añanan Sr. Leong ta participa na e torneo Copa Casa Rosada unda a konkista 3 biaha e titulo di campeón den Masters.

Fuera di hunga ping pong, Sr. Leong a hunga basket-

ball pa hopi aña cu Chinese Youth Club unda a logra e titulo di campeón pa hopi aña. Despues Sr. Leong a bira entrenado di Chinese Youth Club y pa e ekipo di damas di Connie Francis Club. Tambe, Sr. Leong a participa como “assistant coach” cu seleccion di Antillas na Weganan Centro Americano y del Caribe na Medellin, Colombia. Por ultimo, Sr. Leong a fungi como entrenado di e seleccion di damas na Caricom Games cu a tuma luga na British Guyana.

Presidente di Parlamento mr. Edgard Vrolijk a haci entrega di e reconocimiento na baluarte Sr. Alfred Leong. Pa conclui, Premio Excelencia den Deporte y Minister Endy Croes ta felicita Sr. Alfred Leong cu e reconocimiento Baluarte Deportivo 2021, alabes ta gradicie pa su dedicacion, amor y aporte den deporte di Aruba.

Minister Dangui Oduber DESVELO DI LOGO PA ENSEÑANSA PA EMPLEO: CURSONAN HOTELERO TA DISPONIBEL PA COMUNIDAD DI ARUBA

ORANJESTAD –Dialuna mainta Minister di Turismo y Salud Publico sr. Dangui Oduber a atende un conferencia di prensa unda a celebra e desvelo di e logo nobo y tambe e renobacion moderno di e edificio di Enseñansa pa Empleo (EPE).

Enseñansa pa Empleo a wordo funda na aña 1988 y a bira un centro di enseñansa pa e industria di hotelero y turismo. Turismo ta keda e pilar principal di nos economia y Enseñansa pa Empleo ta keda un instituto importante cuta ofrece cursonan basa riba e necesidad di e mercado laboral y trese educacion popular riba un nivel

alcansabel pa tur hende.

E tabata un mainta ameno caminda Minister Oduber a ricibi un “tour” di e diferente cursonan cu ta wordo duna. Awendia Ensenansa pa Empleo ta ofrece un variedad di cursonan riba diferente nivel manera servicio na cliente, bartending, waiter/waitress y esaki ta crea oportunidad pa nos comunidad haya mas conocimiento pa por brinda e miho servicio na nos bishitantenan y yuda mantene nos industria di turismo y economia fuerte.

Na aña 2022 tawata tin 600 persona cu a sigui cursonan y e aña aki mas di 1600. Danki na crece-



mento di turismo tin cuponan di trabou nobo.

Minister Oduber ta contento cu Enseñansa pa Empleo lo habri nan porta na e districto di San Nicolaas pa 2024 y asina percurpa pa mas ciudadano por haya acceso na enseñansa pa asina por sigui brinda e miho servicio na nos turistanan.

Finalmente Minister Dangui

Oduber ta gradici prome Minister Evelyn Wever-Croes y colega Minister Glenbert Croes y ademas tur stakeholders pa logra haci esaki posibel.

Masha Pabien na e team di Enseñansa pa Empleo pa boso bon trabou pa asina por sigui ofrece mas cursonan y aumenta oportunidadnan na e pueblo di Aruba.

Parlamentario Marco Berlis (MEP):

Miguel Mansur ta bay live lastra clero Catholico y tur esnan contra su agenda di ideologia di genero



Diadomingo 5 di november ultimo, despues cu Miguel Mansur a ataca publicamente clero Catholico riba Facebook, e la haya ta bon pa continua su racha di atakenan baho contra tur esnan cu ta opone su opinion, agenda y plan di ideologia di genero pa Aruba den su video. E video aki e la pone riba su Facebook, den cual e ta bebiendo un thee of koffie for di un cup bashi. Den e video Miguel ta conta un poco di su infancia y drogadiccion den cual e ta expresa su mes cu hopi emocion pa despues bay riba

un racha di guerra contra tur esnan cu ta opone contra su opinion.

Pastornan, religionan, tradicionnan y fielnan a wordo ridiculisa y insulta pa Mansur

Den su ultimo video, fuera di a ofende henter iglesia Catholico, a ofende tur Cristian y tur otro denominacion y nan fielnan, cu ta mas o menos 80% di henter e poblacion di nos pais. Mansur ta bay asina leu di tuma e Bijbel, Palabra di Dios, y ta malusa scrituranan sacando esakinan for di contexto, pa

hustifica su ponencianan. Miguel Mansur no solamente ta mofa e Palabra di Dios publicamente, e ta abiertamente insinua cu esaki no ta sirbi mas pa un sociedad moderno. Mansur, supuestamente un teologo riba su mesun forsa no ta contento ni di acuerdo cu contenido di Bijbel. Tur hende conoce e pasashi den Bijbel Mateo 4:1-11, den cual Hesus ta wordo tenta pa Satanas. Kico Satanas a usa pa tenta Hesus cu ne? Satanas a usa e mesun Palabra di Dios, pero for di su contexto original, pa purba laga Hesus peca dilanti Tata Dios. Kico Hesus a haci? E la contesta Satanas cu e Palabra di Dios den su contexto corecto. Esaki ta siña nos cu bo flie no ta subi pasobra bo a lesa algun escritura for di contexto pa hustifica bo argumentonan.

Miguel hustificando indoctrinacion di nos yunan na scol Tratando na ridiculisa e ponencia di iglesianan di

tur denominacion y lidernan den comunidad, Mansur ta procede den e video pa ridiculisa e ponencia di e lidernan religioso riba e indoctrinacion di nos yunan si material di ideologia di genero ta drenta scolnan. Mansur sa hopi bon con vulnerabel nos yunan ta ora nan ta chikito. Tin un rason valido pakico un mucha chikito no por haya un rijbewijs, no por core auto, no por vota ainda, no por bai guerra, no por bebe alcohol, no por drenta cinema pa wak cierto peliculanan cu ta pa hobennan mas grandi... Anto e pregunta e ora ta: "pakico Mansur ta busca pa pusha material di ideologia di genero pa nos yunan chikito den nos scolnan?" E derecho di educa nos yunan mester keda den e mannan di e mayornan. Cualquier politico cu ta pretende di kita e derecho aki di mayornan ta "hol uit" nan derechonan legal. Esaki ta e politica cu Mansur ta introduciendo na nos pais? Acaso no ta su forma dictatorial y arogante a core cu tres politico for di su partido?

E caracter instabil y comportacion barbaro di Miguel Mansur ta e ehempel di un

politico peligroso, cu problemanan emocional consistente, cu ta papia prome ke pensa, cu ta insulta prome cu e rasona, cu ta lastra, difama y ofende pa gana un argumento. Mansur ta dispuesto pa troce y gaña lo mas sagrado di nos pueblo pa convence su mes y pueblo, cu e tin rason. Miguel ta for di control y a pasa e liña cora di respet y dignidad hopi

tempo caba. Ma ta kico nos por spera di un politico miyonario cu semper a haya tur loke e tabata kier y cu a bati su curpa tur caminda? Miguel su caracter como su arogancia ta un peligro, menasa y bom cu ta wardando pa explota. Esaki te politica nobo cu Miguel a campaña cu ne y a promete pueblo? Pueblo merece politico y lidernan cu tin respet pa pueblo. Politiconan cu ta respeta nan creencia, nan religion, y nan preocupacionan. Ni e caracter ni e agenda di Mansur ta un refleho di esaki.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbitor di pueblo na bo ordo semper!

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Clasificados

CLASSIFIEDS

SOLODIPUEBLO@GMAIL.COM
CEL. 585 9500

“SA BO RIESGO, SA KICO PA HACI”

Fundacion Diabetes Aruba (FDA) ta invitabo pa forma parti di e diferente actividad en conexion cu Dia Mundial di Diabetes 2023.

E aña aki e campaña mundial ta enfoca riba e importancia di sa bo riesgo di haya diabetes tipo 2 pa yuda retrasa of preveni e condicion aki. Na mes un momento resalta e impacto di e complicacionnan relaciona cu diabetes y e importancia di tin acceso na informacion y cuido corecto pa garantiza tratamento y maneho na tempo.

1 den cada 10 adulto rond di mundo tin diabetes. Mas di 90% tin diabetes tipo 2. Cerca di e mita no ta diagnostica ainda. Na momento cu diabetes no wordo detecta y trata na tempo esaki por hiba na complicacionnan serio cu por potencialmente pone bida na peliger.

Den varios caso diabetes tipo 2 y su complicacionnan por wordo retrasa of preveni door di adopta y mantene habitonan saludabel.

ACTIVIDADNAN:

1. 14 pa 20 di November forma parti di e “SUCU CHALLENGE NACIO-

NAL”. FDA ta invitabo pa ban hunto KICK OUT sucu agrega pa 1 siman. Pa mas informacion tocante e challenge aki, bishita e medianan social di Fundacion Diabetes Aruba of bishita nso website; <https://www.fdaruba.com/challenge>.

2. Diaranson 15 di November cuminsando di 6:30pm FDA lo ta na MFA Noord, hunto cu One Happy Island Lions Club y PraktijkOndersteuners (POH) brindando chekeo di sucu/presion gratis y charla interactivo tocante diabetes y nutricion.

3. Den colaboracion cu One Happy Island Lions Club y PraktijkOndersteuners (POH), FDA lo bishita diferente scol basico cu e KiDS program. E meta di KiDS ta pa colaboracion cu POHnan y One Happy Island Lions Club, cu e meta pa conscientisa nos muchanan y scolnan tocante diabetes tipo 1 y con pa hiba un bida saludabel pa preveni diabetes tipo 2.

4. Diamars 28 di November FDA lo duna tambe su di dos charla educativo pa docentenan tocante diabetes tipo 1 y con pa preveni diabetes tipo 2. Scolnan tin un rol importante den bida di nos muchanan door di forma nan educacion. Promove educacion di diabetes y estilo di bida saludabel den ambiente escolar por yuda segura un futuro saludabel y prospero.

5. Fundacion Diabetes Aruba ta brinda curso PRISMA DIABETES desde aña 2019 pa empodera personanan cu ta biba/diagnostica cu diabetes. Y diasabra awor 18 di November FDA ta inicia su tan espera prome curso di PRISMA PREVENCIÓN. Pa personanan na riesgo pa haya diabetes tipo 2 por ehempel: personanan pre-diabetico, persona cu sobrepeso/obesidad of esnan cu tin diabetes den famia.

E curso aki ta brinda conocimiento y habilidad pa persona por maneha su salud,



y asina influencia e factornan di riesgo pa preveni e posibilidad di haya problema riba termino largo. Registration pa e curso aki a sera caba, pero interesado por registra pa keda na altura di fechanan nobo na 2024.

Sa bo riesgo y kico pa haci ta importante pa por preveni, detecta trempan y haya

tratamento na tempo.

Forma parti di un di actividadnan menciona y tuma control di bo salud!

Pa mas informacion por contacta cu Fundacion Diabetes Aruba na 566-5045, info@fdaruba.com, www.fdaruba.com of via Instagram, Facebook.

Minister Ursell Arends:

Recordatorio pa Registra pa e Proyecto Piloto di Agroforesteria Sintropico pa Scolnan Basico

Ministerio di Naturalesa a lansa e proyecto di agroforesteria sintropico pa ofrece scol basico e oportunidad di crea un plantacion di mata y fruta. Den e forma aki ta inculca balornan di agricultura sostenibel den nos muchanan.

Minister Arends ta haci un yamada na scolnan basico pa registra pa e proyecto. E proyecto ta bou guia di Santa Rosa y Living Soil Aruba pa asina apoya scolnan basico pa incorpora sector primario como un herment educativo. Ministerio di Naturalesa lo provee e 10 scolnan cu lo forma parti di e proyecto piloto sosten di material pa por crea planta-

cion di mata riba tereno escolar. Ademas, personal di scol y boluntarionan lo ricibi training tocante e tecnicanan di agroforesteria, mantencion y cuido di e plantacion di mata. E proyecto ta planea pa cuminsa na januari 2024. E tecnica di agroforesteria ta aporta na un miho calidad di e suelo, percura cu e matanan ta fortifica otro y elimina e necesidad di pesticida. Ademas, e proyecto ta aporta na siguridad di alimentacion y autosuficiencia, cu un enfoke ariba scolnan cu kisas ta limita pa motibonan financiero of falta di guia.

Minister Arends ta remarca cu muchanan ta e futuro di nos pais



y pa medio di proyectonan agricola nan por siña di unda nan cuminda ta bin y tambe e importancia di plantamento. Tambe lo integra e conocimiento adkeri di e proyecto den e curiculo escolar y asina percura pa continuidad di e proyecto. Den futuro e muchanan por crea un plantacion na nan hogar y aporta na Aruba su siguridad di alimentacion.

Tumae oportunidad di registra via e siguiente link: <https://bit.ly/40DFmKb>

Registracion ta habri te cu dia 15 di november 2023. Un carta a wordo manda na bestuur di scolnan basico cu mas detayes relaciona cu e proyecto aki. Pa mas informacion por tuma contact cu naturalesa@gobierno.aw.

Ministerio di Naturalesa ta gradici e scolnan cu ya caba a registra pa e proyecto di agroforesteria sintropico y ta encurasha otro scolnan basico pa registra pa asina provee oportunidad di educacion practico pa nos muchanan.

Parlamentario Ricky Hoek (MEP):

Comision Labor ta enfoca riba regulacion di desempleo y sistema di seguridad social

ORANJESTAD, Aruba, 13 November 2023: Parlamentario Ricky Hoek den su funcion di presidente di Comision fiho di Labor di Parlamento di Aruba ta duna un relato encuanto un reunion riba e ‘Propuesta di Reforma di Pakete di Pais’ (hervormingsvoorstellen Landspakket).

Contenido di Pakete di Pais

E paquete di pais ta reparti den 8 diferente tema poni bou di e letternan A te cu H, entre otro: maneho financiero, reforma economico, cuido y educacion. Tema E cu ta e ‘Reforma Economico’ tin dos obhetivo. Un di nan ta pa realisa un sistema di seguridad social solido y pagabel cu ta pone incentivo na e luga corecto. Comision

fiho di Labor ta enfoca su mes mas riba tema E.

Regulacion di desempleo y sistema di seguridad social

Un di e puntonan cardinal cu a bin dilanti durante di e presentacion, tabata e regulacion di desempleo cu ta cay bou di tema E ‘Reforma Economico’. Na april di e aña aki, Departamento di Labor a sigui traha riba e ‘regulacion di desempleo’. Segun Departamento di Labor, ta importante pa bin cu un plan pa fortalece e seguridad social na Aruba. Por ehempel, den caso cu un persona perde trabou na e momento aki, y e no logra haya un otro, e lo mester haci peticion pa ricibi bi-stand.



Pa evita cu personanan ta bay den e sistema di bi-stand, a propone e idea pa introduci un ‘Fondo di Seguridad Social’ caminda e prima di cessantia por bay aden y ta uza esaki na momento di desempleo. A base di combersacionnan cu e ekipo di gobierno ta hibando cu diferente stakeholder riba e tema di labor, a bin un proposicion riba mesa.

E idea pa un ‘Fondo di Seguridad Social’ ta parce di tin e sosten di tanto e dunadonan di trabou como tambe e sindicatonan.


Trabou di Parlamento

Parlamentario Ricky Hoek a puntra tanto na Minister di Labor y Departamento di Labor kico ta e siguiente pasonan. Di parti di gobierno a duna di conoce cu a base di investigacion existente y/of adicional, lo desaroya y implementa un proposicion pa cu e sistema di seguridad social.













Por ultimo presidente di e comision Sr. Hoek, ta vocifera cu mediante reunionnan structural di e

Comision fiho di Labor, Parlamento di Aruba lo sigui controla e proceso

y desaroyo di e paquete di pais pa e lunanan nos dilanti.



Paardenbeestraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 13 Nov 2023 Merdia

 Sorteo # 4093 8167 7991 1731	 Sorteo # 0x Jackpot 0x Match 4+ 0x match 4 0x Afl. 12,00	Joker Letter Proximo Jackpot 100.000,-
 FP  Sorteo # 4093 3659	 Sorteo # 0x Jackpot 0x Match 4 0x Afl 8,00	Proximo Jackpot 74.000,-
 Sorteo # 2149 2947	 Sorteo # 0x Jackpot 0x match 4 0x Afl. 500,00 0x Afl 50,00 0x Afl 15,00	Mega Ball: Proximo Jackpot 475.000,-
 Sorteo # 4093 8300 Aquario	 Afl. 655.000,-	
 Sorteo # 967 625 MULTI X FP	 Sorteo #	

**PRONOSTICO DI TEMPO**

VALIDO TE DIAMARS 14 DI NOVEMBER 2023,
18:00 ORA

TEMPO:
AWE TARDI Y AWE NOCHI: PARCIALMENTE
NUBLA CU UN AWACERO PASAJERO
DEN MARDUGA Y MAYAN: PARCIALMENTE
NUBLA CU UN AWACERO PASAJERO
TE BREVE

TEMPERATURA MAXIMO 32 GRADO CELSIUS
TEMPERATURA MINIMO 27 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 33 PA 42 GRADO CELSIUS
UV INDEX: 8

BAHADA DI SOLO : 6:11 PM
SUBIDA DI SOLO : 6:37 AM.
CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: KETU, ROND
DI 1 PIA.
NA PARTINAN ZUID: TRANKIL TE MODERA, EN-
TRE 2 PA 3 PIA.
NA PARTINAN OOST TE NOORDWEST DI COSTA:
GENERALMENTE
MODERA CU OLANAN ENTRE 5 PA 7, LOCAL-
MENTE E POR
JEGA 8 PIA.

AVISO/ ALERTA:
TA SUGERI OPERADORNAN DI BOTO CHIKITO
PA BAI CU
CAUTELA NA PARTINAN OOST TE NOORDWEST
DI COSTA

Addonsito Croes a entrega awards di Playa Film Festival 2023



Den Kenwolf Studio na Oranjestad, cu musica di Adriano Nanof, a tuma luga e entrega di premio na e ganadornan di Playa Film Festival 2023. Cinco (5) scol secundario a participa p'e premio di Best Student Short Documentary cu tawata Colegio San Antonio, St. Augustinus College, YNZ Montessori, Mon Plaisir HAVO/VWO y De Schakel College. Tawata Mon Plaisir HAVO/VWO a resulta e scol cu e pelicula cortometrahe ganado. E miho Feature film 2023 tawata "It is not past 08-

12-1982" di Ida Does di Hulanda. E miho Short movie 2023 tawata "Stick is Life" di Miguel Galofre di Trinidad & Tobago. E MC tawata Addonsito Croes. E anochi aki, Addonsito Croes y Juan Fransisco Pardo di fundacion CineAruba como sorpresa a haci entrega tambe di dos (2) galardón como actuacion sublime y como talento nobo den e mundo di pelicula na Tuesday Irwin y Nathan Matthew Legger for di Londen. Pa 2024, Playa Film Festival lo t'ey atrobe.

Minister Maduro di Cultura a hiba palabra na e di 42 Conferencia General di UNESCO na Paris, Francia



Riba diabierna 10 di november, Minister Maduro di Cultura a hiba palabra den e reunion plenario di e 42 Conferencia General di UNESCO cu a tuma luga na e UNESCO Headquarters na Paris, Francia.

Na e ocasion aki diferente Ministernan di Ense-

ñansa y Cultura a brinda informacion riba con nan nan respectivo Pais nan ta trahando pa asina por implementa e vision di UNESCO pa logra paz atraves di educacion, ciencia, cultura, comunicacion y informacion.

Minister Maduro a informa e plenario cu Aruba ta comprometi cu e vision di UNESCO y a brinda algun ehempel di esaki. Aruba tin ya caba 4 'UNESCO Schools' na unda hobennan ta siña mas di e metanan pa un desaroyo sostenibel di nos mundo. Aruba ta cabes di e programa di Memory of the World pa e region di Caribe y Latino America yama MOWLAC cu ta percura pa e herencia cultural por keda conserva pa humanidad. Un experto Arubiano

tambe lidera e programa di IOCARIBE cu traha na bienestar di e conservacion di nos oceanonan. Minister Maduro a informa tambe cu e aña aki Aruba tin un Minister y un representante den e Youth Forum di UNESCO pa asina intercambia pensamiento cu otro hobennan di rond mundo y busca solucionnan duradero na bienestar di humanidad.

Minister Maduro ta gradici Secretario General di UNESCO na Aruba, sra. Marushka Tromp, y tur miembro di e Comision Nacional di UNESCO na Aruba pa a compila y prepara tur informacion necesario pa asina esaki por a keda presenta den e reunion plenario di e 42 Conferencia General di UNESCO.

